

Камалдин Ахмедов

Парзайил булах





КАМАЛДИН АХМЕДОВ

## ПАРЗАЙИЛ БУЛАХ



ГУП

«Дагестанское книжное издательство»

Махачкала – 2003

**К. Ахмедов**

**А-95 Родник на перевале: Стихи.** – Махач-  
ккала. ГУП «Дагестанское книжное издатель-  
ство», 2003. На агульском и лезгин. яз. – 232 с.

**К. Ахмедов**

**Парзайил булах: шиирар.**

Ме китабис тур инай булах Къуругъ райондинна  
Агул райондин часпарил алдеа. Ме булахи агъуларра  
лезгийр сад акъая.

Ме булахин килилас Iу джилра агвая, гуър сад сай-  
ихъ хъучихъая, сад акъая, муъррин рухъИдин булахар  
чIаллахъая. Ге булахин хъед ухугуна, автори агъул ва  
лезги чIаларил уьчин шиирар ликIая. «Агъул мегIни»,  
«Муьгъуьббатин хсарилас» китабарра Iу чIалалра атар-  
хъунаа. «Парзайил булах» шиирарин китаб ге кардин  
шагъид хIасе.

**К. Агъмедов**

**Барзадал булах: шиирар.**

И китаб адетдинди туширди я. Ам агъул ва лезги  
чIалаларал акъатзава. Вучиз лагъайтIа адан автор шаир  
Камалдин Агъмедова гъа и къве чIалалдини кхъизва.  
«Барзадал булах» ктабдиз дуьшуьшдай ганвай тIвар  
туш. Лезгийринни агъулрин чилерин арада авай барза-  
дал алай булахдиз килигна, ктабдал и тIвар эцигнава. И  
булахдай шаирдини яд хъванвайдал килигна, ктабдал и  
тIвар эцигнава. И булахдай шаирдини яд хъванвайдал  
шак Iлач.

ББК 84 (Агул.)

А 4702380202-  
М 123-2003 – 2003

ISBN 5-297-00682-1

ISBN 5-297-01044-6

© Ахмедов К., 2003



## РУХУ ДЖИЛИН АХІА ШАИР

Камалдин АхІмедов агъул халкъдин тикрар дахъайде, руху джилис вафалу, миллетин рухІдин ахІагІвел агвар акъайде шаир э. Гин «Парзайил булах» китаби тематикас хъутурфу-гуна, гъар джуъре шиирар ая. Гуър але аямин инсандикас, гин хІиссерин ахІагІвеликас, агъул халкъдин тарихикас, лирикаин герои акъайде фикира-рикас, гІвай – хъугІвайде Іуьмуьрикас, Ватанин, миллетин уьдигІ буржикас, йагІайин ягъарикас, хІададарин уьдигъ хъе зигъинди хъайде джавабдаргІвеликас э.

Шаири агъул халкъдис, чІалас, дуьйис, руху бабас, канеттис гимн упуная. Гин цІарариас хъе шинюккарин шад элхъерикас, канеттин батІар уларикас, гуьзел яйлахарикас, тук ат-тахъунай майданрикас, зумзумин булахрикас агвая.

Шаир руху джилин гъар са затІунал Іашукъ э, хъесра Іашукъ хъунай уларилди джилис хутурф, ге ухІ, гележегин несиларис пайдах суман къатин агъая.

АхІа устадгІвелилди Камалдин АхІмедова литератураин гъар джуъре жанрайрикас мен-фегІат гъуджуная: балладаяр, экспромтар, сонетар, рубайяр, элегияр, мегІнияр – даллаяр, трио-

лестар, якъу, муя цларар, риваятар, этюдар ал-  
чархъая.

Виртуозный къайдайилди, импровизация  
джуьрейилди, устадгивелилди, ахла талант иш-  
лемиш акъуна, рагъ айчлвайде ва фучлайде ли-  
тератураярин жанрайрикас хайир гъуджуна  
шаири уьчин шиирар ликлиная.

Гин чларари, рагъухъанди суман, ицлайде  
гуьзел нурарис хугурф:

«Зе хиялрин муг, ХI пуйкъар,  
Шад хьидарин тук, ХI пуйкъар,  
Зе рухI, меглини, джан ХI пуйкъар,  
Рухайрис масан ХI пуйкъар»,

*(«ХI пуйкъар»)*

«Ве ухьтангивел мерте э, мерте,  
КIукIушрин ихпар суман джагвар  
Якъу багус IаквегIвал ицлай...»

*(Сонет)*

Я р р а :  
Галухъ дагъди Шамилан рекъкъ,  
Гьич кас дагIвай хъуне баят.  
Рекъкъуьн гъвандил кIедарин эхъ,  
Заварира – кIаре баяд».

*(Этюд)*

«Бейхабари адине хулан дакIарис  
ХIуьруьн са джакъв, йуркIурас куьче.

Х1уылашуван айч1уне зун къаншарис,  
Джакъра, упучи, алцуна куъче  
Адине, укъуне за капашил мерте.  
Ахпа гера зе шиирра фай,  
Сирнав ине заварис 1акве...

*(Этюд)*

Камалдина гъеле 1992 иса агъул халкъдин тарихи сифта эй уьчин харджийрилди «Агъул мег1ни» китаб аттихъине. Ге кар хъе халкъ бадала култури зурба вакъиа хъуне.

Шаири лик1ея:

Зас дуьньяйил амуьргуна лап кандий,  
Угъал эй гъазе, давайчинра нур-ц1аяр,  
Къавахин кушкуш эй зе хулан  
къвалахъ,  
Хуппурин к1илил улусумин гъарай.

*(Экспромт)*

Тук рагъунас элкъуьне  
К1ил гъагъадвай ругукас.  
Зе 1ашкъунан тазанаг  
Хъуне гъагин йурк1укас.

*(Экспромт)*

Муьх1уьббати дуьнья ух1ая, джилил 1ашукъ касди анжах тукар узасе, билбилихъ убур хъихъасе, канеттин уларикас лик1асе, 1уьшти х1адарихъай суьг1бетар акъасе, са гафу-

налди, руху джилил, уьчин миллетил, инсанарил  
дамах акъай джил ухласе.

Зас темкекас агуне вун,  
Агуне вун заварилас.  
Зун ве бугус гивай агуне,  
Муьхлуьббатин херарилас...

*(«Муьхлуьббатин херарил алдий»)*

Камалдин Ахмедован поэзин булахиас агъ-  
ул халкъди даима хламга хьед ухайдеф хлая зас.

...Адархъу пеш зе йурк'э гъан,  
Са багухъди береби хай.  
Бала гулу са джакъв э гъан,  
Тек даруас гъарай акъай...

*(«Муя цларар»)*

Ав, дуьз э зе цивеларил ихъп алдеа,  
Вас суман ле кар хлая зе  
яшарис,  
Джагваргивел – нур э такве хиялрин,  
Ишигъ ицлас хлазур э ве луьшарис...

Идже рекъкъ хъурай Камалдин Ахмедован  
«Парзайил булах» китабис.

**Мазанаев Шабан АБДУЛКАДЫРОВИЧ,**  
профессор, филологин илимрин доктор,  
Дагъустан университетин филологин  
факультетин декан.

Зе Луьмуърдин  
илдеш Пирдавусан  
Іакве къаматис  
бахш акъая  
ме китаб.

## ЭТЮД

Алат1тай 1уьк1вер,  
Аттархъай 1эмк1ер.  
Къат1 акъай тукар,  
Ч1ир акъай зе кар.  
Хая къал, пеш, сум,  
Кеттихъай ччар-тум.  
Рекъкъерис варха,  
Т1ушар акъай хал.  
Хъуная лакун.  
Зав – джилар акай.  
Мус хъасе секин,  
Мус хъасе эркин.  
Мус хъасе ислягъ.  
Ягъарис – панагъ?  
Тереб, вун зас уп,  
Агъадив вун чуп.  
Адрес ве ат зас,  
Йурушар агвас.  
Зун зе канеф лап.  
1арх1асе вас кап.  
1урк1урас дуай,  
Вав шаддис гъургъай.  
1ух1уне пара,  
Акъуна чара.  
1уьмуърди шуван



Дуьруьх1ай сувал.  
Кулакари серт.  
Акьуная перт.  
Алаттархь, тереб,  
Фацуна тереф.  
Канеф ат секин,  
Зас 1уьмуьр ширин,  
Алдий хиларил  
Хьурай джиларил.  
Рагъари завул  
Лахьунар агъул  
Акьурай, дустар.  
Хьин акьай шадар...

## ХІИСАБ АКЪАЙ ГІВЕЯ ЯГЪАР

Угу хиял джагвар кїеджув ицїая,  
Іэмкїекас вун пашман эй зав рахая.  
Гъам – хифетар зе кафалихъ пар хъуне,  
Фана-дуьнья атуна шу яр хъуне.  
Вун гулу ягъ зас джегънемин  
Іуьш хъуне.  
Гулуне рагъ, дифар – къири тунт  
хъуне.  
Гагъ кулак гївай, раккар дахъай,  
хъагъишай,  
Ягъар – Іуьшар гївай – хъугївая гъамиша  
Гъа са джуьре, лакар кеттвай джиликас,  
Гагъ дифари хїалак акъай чпикас.  
Зас гучїая, сивил алмий гаф ширин  
Гївас дуьйилас, лакъан агвас  
нягїс-серин.  
Фи къайе зун, вун хъандавай  
Іуьш-ягъди.  
Мез билбил эй, кафан агвай терс  
агъдин.  
Зун джиларил гъам-хифети угая.  
Дардар уцай, хаджалатри удая.  
Зе Іуьмуьрра гъагиштинф э, зас хїая,  
Зе хифетри зун рахїарил рухїая.  
Иман файна сад Аллагъис, гъарай къай,

Хилихъ хъайе ицlай элдис садакъя.  
Зас гишти ий, адинайтар дуьньяяр  
Тек са захъай, ун хъасе зе дуьгlвояр.  
Зун кlигуна гуласра э джилар, зав.  
Йакъу багв лал, ериярра хъуна дав.  
Къулкъул селлер уларилас гlвая зе,  
Гlафу бала хутурфая зас мизе.  
ЕТИМ Эмин, етимарин кумекис шав,  
Четин хlал э, гулугуна багъа бав.  
Зе джан, джасад пуч акъасе, агвар  
хlал.

Фи къайе зун, нас акъайе ме  
кар хlар.

Дамах акъай вазарилра рагъарил  
Айий зунра, шукур хайий ягъарил.  
Хутурфучи, хъуркъуне захъ залзала,  
Зас мусибат агуне хи, захъ бала  
Фикъас яраб хъайий гъан ме кlаре няхlс,  
На къайий гъан, lуьмуьрдихъай хlуьжет –  
бяхl.

Гlаджалин дард хъугуна хъе арайи.  
Къикъкъе къакъкъар фи къвалахъди  
гlушайе.

Багагъра зас фишти дардар агвасе.  
Цlаярикас яраб на зун ухlасе.  
lашасе гъан ул хъайеттар, кlигуна,  
Ругъу майит джилил алдий, агуна.  
Зун хlалкъайи архъуная текгlвелин,  
Къефесди ай lуркl багв хъая эркекин.  
Терс ягъари бегъем хlалак акъуне,

1урк1-1азаби, зун ц1аярил угуне.  
Лампа ихъ вун зе накъвари агъайий,  
1эмклеасра дат1уна вун рахайий,  
Хиялрин ц1иргъ иц1ай хъайий

арабир.

Арг1уне чарх зе 1уьмуьрдин 1арабин.  
Джагвар лиф эй хъайндава зе хулахъди,  
Улар раккал алдей хъуне нах1акъди.  
Г1аян хъасту х1алак хъунайф руьх1ерис,  
Завариас унар акъай джиларис.  
Хаджалатар гулуб бадал, унакъай.  
1урк1уралра хъухай ягъар, гъам накъан.  
Ц1ай хъуркъуне, иттал агвай дуьньяйин,  
Ун хъундава зун акъунде дуьг1вейин.  
Зурба Эмин, хал-мукъ дахъу джиликас,  
Панагъ дахъу 1урдарикас хъидикас.  
Ве 1ашкъунан, ве гъевесин арг1уне дар,  
Хъунадуйхи гъалидах1ан ягъ – 1уьшар.  
Ругъу нагъвар къисмат хъуне шаирис, –  
Вархал завус ун ушуне шиирин.  
Ге х1ижранин дурна завуь 1ашуне,  
К1арег1велар фи багухъди ушуне.  
1ашая лап, 1ашая лап дат1уна,  
Завар – джилар пашманг1вели угуна.  
Угъалари Эминан накъв утуне.  
Хил заварихъ алдаркуна, упуне:  
«Гъайш вун Эмин, дард алатту

шаирин,

Зас тек са ц1ар багъиш акъе шиирин.

20.02.2000 ис.

## РУХУ ХІУЪР

Чешмейин хъед  
Бав э гужлу  
НацIварин.  
Гъава сувар,  
Ял акъайде  
Заварихъ.  
Суван яц эй  
Дуъз гъузунде  
Хиял эй.  
Ая зе хIуър –  
Зе йуркI, джигер,  
Пияла.

АхIа хъуне  
Зун джигъиррин  
Арайч,  
Гъвандиас тук  
Гъайшай чвасра  
Агвасе.  
ИдемгIвелин  
Зас хесетар  
ХIар акъай.  
АхIа курар  
Зе кафалихъ  
Пар акъай.

Къуьчхуьр Саид,  
Хуш э зас ве

Хесетар.  
Са мусра вун  
Акьюф дава  
Къелетар.  
НацIвар суман  
Дагълариас  
АдагIвай.  
ТIебиат эй  
Гагь тунт хъайде  
АлагIвай.

Зун фикирар  
Рухай ая  
ДатIуна.  
ЦIейегIвелар  
Зе зигьинди  
КъатIуна:  
Ватанифас  
Варха дахъай  
Рухваяр.  
Ве муг, ве руг  
Вас хьугуна  
Архаяр...  
Хьуркъая захь дуьгIе, азан,  
Захь хъая тек са вун, Ватан.



## ЭТЮД

Тик гуьнейик элхъея тук,  
Беневша тук – чуьлле улар.  
Хьидин джилил – джакъвалан муг  
ЦIивцIив акъай – дикIай унар.

Дагъарилле завун бириш,  
Iуьш адине кIарегIвал фай,  
КIаре куч эй таза рушан,  
Исар гIвая зе джан цIуфай.

Тек – ялгъуз э ахIа джилил,  
Гъиргъирил зе алдея йуркI.  
Ве тур даим алдий сивил  
ДикIая хи зе накъан муг.

Багъди дарар ая гъургъай  
Пешерилди кулак ади.  
Сад – суман зе гIвая ягъар,  
Идже курар акъай тегIди.

Вун хъушуне – ваз дифирик,  
Зе хиялар далгъуне хи.  
Гъулгъулай хъай тIебиатик.  
Джилар – завар рахуне хи.

Ц|ейе рекъкъуъл алдея фиш,  
Эхиратин фийе гъан ч|ал.  
Дагъарилле ламу бириш,  
Фи ягъар вун хасе гъан зал...

## ХІПУЬКЪАР

Тик ва гъава, якъу багв дагъар,  
Гъагинра кѣилихъ ухътан дереяр.  
Лилар завари, дуърухълай гѣудар,  
Сархуше кларатѣ, ухътан гуънеяр.

### Припев:

Зи хиялрин мугъ Хѣпуькъар,  
Шад хъидарин тукъ Хѣпуькъар.  
Зе рухъѣ, мегъни, джан Хѣпуькъар,  
Рухайрис масан Хпуькъар.

Тулларин майдан, къваларин булахъ,  
Майданар ларѣ хъая хъи вахъ,  
Зумзумин хъигътар булахъриас гѣвай,  
Хѣейран э зун ве джилар агвай.

Алдея вун лап дагъдин клукъвал,  
Бахтарив рахай ая зе хѣуьр, хал.  
Ве гъар са рушра – куьклунде э хѣад,  
Са хизан э эл – зунра акъай шад.

## СОНЕТАР

Тукарин члална илхлaмин къадир  
Хлар акъуне зас муьхлуьббати багъа.  
Вун зе луьмуьрдин паччагl э, надир,  
Вун э зе завар, зе сувар гъава.

Луларин lаквар агугуна зас  
Зе дардарин лакар аргlая хи, руш  
луьш суман кларе ве кучар агвас  
Кандея хъи зас, хутурфас э хуш.

Ве ухътангlвел мерте э, мерте  
Кlуклушрин ихъпар суман джагвар  
Якъу багус lаквегlвал ицlай.  
Вун агвай тукари ицlая уьттер,  
Вун э зе нафас, луьмуьрдин рангар,  
Нас ве улари акъая цларцлар.

## II

Кlил аттархъуб четин э, четин,  
Фи кандейчи, зе луьмуьр, яраб вас.  
Гагъ ицlай рагъар, гагъ гъагин серин,  
Гагъ пашманди хутурфая ваз.  
Кlил дааттархъай, вахтар гъич дайцlай,

Агъзур суал зе алихъай уьдиг1 вун,  
Са тек пеш суман джилик куькъкъая зун.

Кандава хи, засра дуъз хъакъас  
Я зе курарра, 1акве умудар.  
Лик1ибар суман лик1ас гъич дахъу.  
Зе къаншарисра г1вадава гъич са кас  
Аттархъасти джан джилик ламу-дар  
Дуъньяйис акъай х1ар зе ч1ал агъул.

### III

Ири угъал суман, садпуна гулу,  
Ахпа хуппахъра куьчег¹ веларра хъай.  
Адине завуас х¹ад суман гужлу,  
Хъушуне вунра¹ амк¹екас рахай.

Амуьргуне няг1с ламу дифариг1,  
Тикрар акъайде ун эй дагъарин,  
Хас дахъайде къакъкъ суман кафалихъ.  
Хъундава зунра бугув, къаншарил.

Чуьлле завуь хIад чIурхуне  
 са кьвалахъ,  
 Якьу багI мичI э, лал секингIвелар  
 АгъагIвел акъай алдаркай рекъкъуьл,  
 Убур дайцай зас, дагIвай гъич чIалахъ.  
 Дакъай къисмат зас гъич ширингIвелар,  
 Зас дагвар акъай цIикIинин рекъкъуьн.

## ЯКЪУ ЦІАРАР

Сад ая хъуккай девлетрихъ  
ах!а,  
Сайи акъая уьджг!велар пара.  
!айег!вел акъуттин сархуш хъая х!ал.  
Сейин кафалихъ хъуркъая пая.

\* \* \*

Ч!укъ дава, ч!укъ дава дустар  
захъ джилил.  
Зе шад йагъарик пай кихъиттар  
чпин.  
К!аре хъугуна !уьмуьрдин  
гуьгъуьл.  
Ях! – эдеб – намус ух!уттар джилин.

\* \* \*

Агъул дагълар – Магъу джигъир,  
Насилрин нег!с щуне !уьмуьр.  
Ме дарг!велар хъуна къисмат,  
Даканг!велар акъай нуьсрет.



\* \* \*

Галухъ дагъди Шамилан рекъкъ.  
Гъич кас дагъвай хъуне баят.  
Рекъкъуьн гъвандил — кледарин эхъ,  
Заварира — кларе баяд.

\* \* \*

Багъа хулар, машин цейе,  
Къизил, якъут, хъирра — нини.  
Гъузу дакъай гунтакъай мал,  
Мишги хъучи — гуласе чал.

\* \* \*

Четине йуркълурал хъухас алатархъу ягъ,  
Хуппахъ хъая ве мичл, гунагъ, зиннет.  
Фи ая удигъ — арифдари вас  
Агъасе хи: «Ме багайис э ве туьгъмет».

\* \* \*

Хъин хлазур э руьхл маса цлас шайтланис,  
Йуркл але дуст, элхъей-элхъей душманис,

Ме дуьньяйил ламал, иттал алдея,  
Инсаф дакбай лекеяр хай вижданис.

\* \* \*

Муркл ицлая накьан дамах, рагъарис,  
Майил дайцлай багагъ йагъан курарис,  
«Фикъайе хьин, я сад Аллагъ, агъая,  
лагла халкъди – клил гъагъадвай заварис.

\* \* \*

Глул. луьш. Заву хладар куьклуне,  
Зун миклела зурзая ме джиларил.  
Зарул э зун – канеф ая вархари,  
Зе йурклура акъая ги агъагвел.

## БАБАКАС

Мертетгар э булахар хье дагъларин,  
Хьидихъди багълариъ тукар э дигмиш.  
Миса ли лари сирнав акъай вархарис,  
Баб балайихъ суман заварихъ вардиш.

Булахрилас йурк1 мерте э зе бабан,  
Гишти ий, гишти хьасе асирари даим.  
Бахтлу э баб агвай руху джил-Ватан –  
Зе бабан беденин куьчег1велин гимн.

Тукарилас са хьимугала варт1 э  
Ухътанг1вел зе бабан пак уларин.  
Гуьррин 1аквар зе 1уьмуьрдин бина э,  
Давчвадай зав серинг1велар дардарин.

Дуьнья дех1ан ах1а иде гафуна  
Г1улар ая, хьидар а рагъарра.  
Йурк1 г1верш сефер зерфелиас  
гъайхьичи  
Саде зе гаф: «Баб э зурба херарра».

Садпу мег1ни баб хьуне зи джиларил,  
Ги ат1астава зе ягъарин кум.  
1уьмуьрдира инсаф дакъай угурай.  
Шадг1велихъ бабан фатихъай адум.

## ЭТЮДАР

Руху джилин зун тукра э билбил.  
Дагъарин кIенас адархъу гъванар.  
Руху джилин э Турдин ягъ сефил.  
Бабан накъварил хъуьхъе хъу тукар.



Бейхабарис адине хулан дакларис  
Хуьруьн са джакьв, йуркIурас куьче.  
«Хуьлашуван» айчIуне зун къаншарис.  
Джакьра, упучи, алцуна куьче  
Адине, укьуне зе капашил мерте.  
Ахпа герра зи шиирра фай.  
Сирнав ине заварис Iакве.

\* \* \*

Гъуьрегъилрив ац!у алчархъуне зал муг  
Яваш-яваш г!вагуна дагъларис агъул.  
Фи айч!васе гуьрриас яг!а:  
Я начхирар, я иланар ругъу.

\* \* \*

Эсе дуьньяйил амуьргуна лап кандий  
Угьал эй гъазе, давайчинра нур-ц1аяр.  
Къавахин кушкуш-зе хулан къвалахъ,  
Хупнуурин к1илил улусумин гъарай.

Йурк!уралра г!аджал г!вая гагъ-гагъ  
 Шу!уьмуьрис кьуллугъ хьуна.  
 !уьмуьрдин удиг! ме зе дуст, валлагъ,  
 Хьин акьайде шулугъ хьуна.  
 Агъ, ц!уьнпе кьая эхиратин ахун ве  
 Чинг ругариг! вас муг хьуна.



Халича дифарин акъай къат I-къат I  
Шад ъ рагъ бушлухари заварин.  
Джегъре нур гъисс акъай хилари  
Сегъерил Iашукъ эй гадаини.  
Хаб акъай рагъарна серинар  
Чиг але джилилас цIая гъукк.  
Рагъра, Iакв акъай деринар.  
Элкъея джегъилин хунпахъас...

Дурнайрин цӀиргъ, дурнайрин цӀиргъ,  
Автографар ликӀай ая.  
Завуъ рахай варти айе,  
Ахпа гулай, дикӀай ая.

Чвахъай фаях зе беден, гъисс –  
ХӀар акъе зас назик мегӀни.  
Зе йуркӀурас пашмангӀвел хай,  
Завар-джилар пара кане.

Херарилас бушлухарис  
Фаях таза цӀейе мукъам.  
Зе канеф ге мегӀни хъурай,  
Сара дуънья агвас акъай.

\* \* \*

Джагвар хьуне кьавах дарар,  
КГилар завухъ ая рукъай.  
Кушкун акъай хладарихъай,  
Куьче салам кьабул акъай.

Вархал хладу гаф ицлая  
Цейе либас цлас хьидихъди.  
Цейе меглни йурктура ай,  
Ял акъая ахунихъди.

\* \* \*

Исар г1вая ракет суман,  
Багъиш дакъай легъзе ширин.  
Йурк1ура ай сара гафар,  
Дуьйил ягъар акъай серин.

Ве йурк1ура умуд ая,  
1акве ягъар хъуна к1андий.  
Хьibu гаф вун агъадава –  
Дардар ая джегъил джанди.

Пара хъая х1уьри хулар,  
Беле хъая накъварарра,  
Хьйбу рекъкъуьн сивил алдий  
Иц1ай шувас суаларра.

1ак1ен удра 1у багухъди  
Пай хъуная фикъас яраб?  
Яраб джилил гаш г1васе гъан.  
Зе йурк1 – джигер акъай кабаб.

Ах1а джилра 1у багухъди  
Пай хъуная яраб фикъас.  
Са багу рагъ, сейирра 1уьш.  
1акве ягъар дахъийц1ай зас.

\* \* \*

Ахуни зун гъич хадава,  
Агъзур хиял к1илира ай.  
Генара г1вай джиларил цул,  
Къизилдин пеш хилира ай.

Адархъу пеш зе йурк1 э гъан.  
Са багухъди тереби хай.  
Бала гулу са джакъв э гъан.  
Ток даруас гъарай акъай.

\* \* \*

Харна ипхьер фидагъан  
Угъвасе килил.  
Килилас члар гивая зе  
Аруцай джилил.  
Гивайде рекъкъер зазари  
Фацуная лап.  
Хуш давайде инсанри  
Ярхлая зас кап.

Яглара зе килилас  
Алайшуне члар.  
Яглара зе килилди  
Хъаугъуне хар.

## ТРИОЛЕТ

Ч1урхуне ли1 – за къаншари укьуне,  
Къаних улар зе улари уркьуне.  
1уьмуьрдикас рахай гьагуьр алдеа.  
Илгьамин ток хьуркьуна захъ кандеа.  
Зе хияли ери завар гьуджуне.  
Ч1урхуне ли1 – зе къаншари укьуне,  
Къаних улар зе улари уркьуне.

\* \* \*

Фатхъая адум джиларил ах1а,  
Аруцубак г1алав кей хьурай.  
Вахтари ч1арар джагвар акъая,  
Ге ч1арарик г1алав кей хьурай.  
Муьх1уьббатик зе г1алав кей хьурай.  
Вахтарифас гьич ат1усас дахъай,  
Зе руьгьдик ахъа г1алав хьурай кей.  
Ге ц1аяри рекъкъ акъасе 1акве.



\* \* \*

Зун вун бадал хымудна са 1уьш,  
гуьзел.

Аттихьине, гулуна зе ахунар.  
Эйчинра зун агугуна, руш – гуьзел  
Джагвар э лап кьадарсуз ве агубар.

Ав, дуьз э зе ц1веларил ихьп алдеа,  
Вас суман ле кар х1ая зе яшарис.  
Зе джагварг1вел – нур э 1акве хиялрин.  
Ишигъ иц1ас х1азур э ве 1уьшарис.

Зе багъаф, вун йурк1урал ух1  
яг1айлас:

Вас пара акъая хи, минатар.  
Дишегълийрил 1ашукъ хъафе шаирар,  
Вахт дахьуна джагвар хъайдеф,  
г1адате.

## СОНЕТАР

Зе гъар са ягъ алдаркая зиндандис,  
Сад – сайилас терс курари угая.  
Нягъс хиялри инад къая зе джандис,  
Ве туру зун балайрикас ух1ая.

Нийсая вун, гъарайис гъай акъайде,  
Ругъу цилар къисмат хъая дуъньяйил.  
Кас андава зе йурк1урав рахайде,  
Андава ун хуш азанин, дуьг1вейин.

Дуънья агъай, хаджалатри удая,  
Вари элхъей зун 1ашалар уцяя.  
Зе хиялар палчухарик куькъкъая.  
Фи уламихъ, нее рекъкъуьс руькъасе,  
Зе к1илилра фишти рах1ар рух1асе,  
Пеш суман зун къешу джилил лукъкъая.

\* \* \*

Ве джегъил вахт, ве хуррам вахт,  
бат1арг1вел  
Йурк1уралас зе к1естира г1вастава,  
Зе ягъари зас бегъерар ц1астава.  
Зун заварис хутурфая, ягъар г1вей.

Завариас бахт джиларил рукъучи,  
Ге бахтарин куългейик вун ухласий,  
Ширин джандив хиларилди рахасий,  
Фикъасе зун, джан цлаяриг1 угучи.

Угурай зун, угурай зун, уцлуна,  
Я хилис г1вас, улис агвас дахъуна  
Джилил паяр к1ус-к1ус хъуна рукъая.  
Эйчинра зе умуд т1авус къуш суман,  
Бегъери ай са п1ац дагу руш суман,  
Куьтех1 дахъай ахуни ай, рукъкъая.

## ЗУННА, ВАЗНА, КАНЕФ

(Элегия)

Іуышан іеіэр, зе дакларис  
Адане ваз. Хулас гівая.  
Гівая бугув, уьдуьгьайе  
Джагвар кледжус темен кьая.

Іакве кьая нураилди  
Завун аршра цилин чіидгьар,  
Гьагьадвая Рашийил зун,  
Кьаламикас кейчівай бейтар.

Ге бейтари шире ая,  
Зе Іашкьунан артмиш хьунде.  
Шире ая емиш суман,  
Женнет багьди дигмиш хьунде.

Зе шири вари фикир  
ХІархьугуна ицІайдеф вас.  
Хъел адине закас Іайи,  
Адихилди, хьушуне ваз.

Фишти Іашукь хьунайчи зун,  
ХІархьугуна, адине рагь.  
Вахъ, упучи, инсаф дахьай  
Зе йурклурал алихьай тагь.

ДакIарнас, раккариас  
Агундава сус эй вун зас.  
Iуьшан IeIэр. Магъа, магъа  
ХIуьлашув эй хъайне хъи ваз.

## ЭЛЕГИЯ

Гуъзет дакъунде угъал суман вун раккарихъ  
Адине сагала, адине, ухътанф.  
Заварил угъал суман джикъкъе  
Хъушуне, арġлуна йуркġуран хиял,  
Эйчинра захъ хъуркъая, якъин,  
Ве туруп ун, шаккар суман ширин.  
Хиялар зе акъагуна тикрар.  
Нагъвари фацая йуркġуран дакġар.  
... Магъа генара завуас адархъуне са хġад.  
Адархъуне рекъкъуъл дуъруъхġуь хъин ġуд.  
Инанмиш хъурай вун, дачархġу хатир.  
Хġархъуф суман зе дард, заварис гъава  
Гъагъайшуне ваз – ġакве э майдан.  
Ге вазуас ве адине ухшар,  
Артухар акъай ġуьмуърдин яшар...

## АГЪУЛ РУШ

Вун агвай зе пашман э йурк1.  
Алихъая 1ашкъунал хал,  
Х1ейран э зун, 1ашукъ э вал.  
Гуьзелрин гуьзел, агъул руш.

Нахъай ве тур фацасе зун,  
Шумал буйдил 1ашукъ э джил.  
Тух хъадава зерра 1у ул,  
Мезурал алдий, агъул руш.

Заву х1адар ая пара.  
Джиларил вахъ дахъас таяр,  
Женнет багъдихъ – битмиш нарар,  
Зе ахир – авал, агъул руш.

Такабург1вел э ве артух,  
Зе мерте йурк1 э вас ачух,  
Ун хъаду гъан, шав зе язух,  
Зе х1иссерин сел, агъул руш,

## ЭТЮД

Агъ, гуъзелар, гуъзелар  
Чвас лик!ая гъезелар.  
Пиян хъая чун агвай.  
Гулуная гъай-къарай.  
Чирагъ нац!ун гурлуг!вел  
Ая бат!ар улари.  
Къекъеш дагъдин гужлуг!вел  
Архъуная улари.  
Океанрин деринг!вел  
Ая бат!ар улари.  
Рагъаринра!аквег!вел  
Чурхъая чве улари...  
Г!уд рахая гуънейик,  
!уд элкъея куългейик.



## НАС АКЪАЙ ГЪАРАЙ?

Диф айе ягъ. Рекъкъ гулуна  
Дахъхлархъай лап г1вайде улам  
Ая зунра. Къур аттархъай  
Ая зе сив. Нас акъай гъарай?

Якъу багв лап х1уьйег суман  
Руьхъей ая. Завул къири  
Хая к1аре. Гулай аман,  
1ашай ая джилар вари.

Пашман хъуна хъирра шинюк,  
Кане зат1ар джик1адава.  
Дад хъандава 1ак1ен гунихъ,  
Чай андава. Нас акъай гъарай?

Багвар хъая джилар, завар.  
Халкъар ая къвалилас г1вай.  
Х1укуматил тур андава,  
Фи хъагвасе. Нас акъай гъарай?

«Гъарай эллер». – акъу Эмин  
Зе сузайис хъасту шерик.  
Хъуркъая захъ ругъу серин,  
Шад хъасту гъан зе сефил йурк1.

1992 ис.

## СА ДЖИЛИЛ

Іурдна гІулра – гьаме джилил,  
Алдей ая варвна илан:  
Варвари цІай дарманис уът,  
Иланира – агъу яман.

Джагвар агъ вас агугуна.  
КІареф э ме – ая агъай.  
Дада суман сайи ухІай,  
Сейирра вак кихъая цІай.

Са джилилра алдей ая,  
Курас къая инсанин тур.  
Джинаба ве аттвая ул,  
Къаргъа эй вал алдаркая.

Са джилилра Къуьчхуър Саид,  
Мурсал ханра алдаркуне.  
Са джилилра ахІа Пушкин,  
Николайна Дантес хъуне.

Са джилилра игри, дугъри  
ХІар дахъайде ая вахтар.  
ГІутІу гуни кІвалас гІвайде  
Мукъу кІилиф, ая дустар.

Са джилилра алдей ая...

## ЦІУДАРИН КЬЕКЪ

Ціударин кьекъ, ціударин кьекъ  
Хутурфай вас шуне Іуьмуър.  
Агъзур сефер ушуне ІемкІ,  
Перт хьуне зе агъзур фикир.

Ціударин кьекъ – вун агвай женг  
Дууф э че дадаріра.  
Багайихъ рекъкъ хьундава ленг  
Амейчинра умудар чиг.

Ціударин кьекъ, эхир нафас  
Хутурфай вас аттархъасе.  
АхІа джилин къанун хьуна  
Раккарихъ зе гІаджал гІвасе.

Эйчинра зун э лап Іашукъ.  
Вас хутурфай э зун хІейран.  
Аферин ве ушу рекъкъуьс,  
Джандилас вун э зас масан.

## ШАВ

(мезлини)

Кулаки хай вархариас  
Хьидикасра авазар.  
Йурк1ураас г1вай хиял,  
Канеттикас, г1вай вазар.

### П р и п е в :

Афгъанистан себеб эй  
Гъаттархъуне сад – сайифас.  
Кане руш, вун йурк1ура ай,  
Минет акъай хиялриас.

Шав, дагълар, х1уьлар хаб акъай.  
Багъа савкъват – зе йурк1 фай.  
Шав, хиял эй ваъ, х1акъикъат эй.  
Шав, канеф, вун, шав, канеф вун, шав.

Магъа къизгъин хияли  
Джилар, завар хаб акъай,  
Лап вархарис ине сирнав  
Г1вай ве бугус – зе йурк1 фай.

## ГУЧІАЯ ЗАС

Зас гучіая –

чліре ният йурклура ай.  
душманисра джан-джан  
агъай,  
гладул, ширин гафар гъургъай,  
хуппахъас вас мез аттиклای.

Зас гучіая –

Клвалас шуна дадар, бабар,  
вархал заву акъай сирнав,  
къуру хлуъжет алдий сивил,  
мичле хуна джиларна зав.

Зас гучіая –

иджеф лайеф дахлаттихъас,  
шейтланихъас, иблисихъас,  
намердихъас, вахлшийихъас,  
ватан дакан инсанихъас.

Зас гучіая –

карна-кеспи гулуттихъас,  
намус-эдеб дахъуттихъас,  
хлуърин гимин гъванарихъас,  
гисал хъайде унарихъас.

## ЭЛЕГИЯ

Вахтуни зун аттихъине синджириас.  
Акъаф – дакъаф дах¹ай рекъкъуь ая зунра.  
Я хал дахъу, я мал дагу еtimiас.  
Улис дагвай я хъидарра йа гъич цулра.

Тек дар суман няг¹с кулаки удайде,  
Вун джиларил нахъ руца, унакъай.  
Са вахтари зун рагъ ий вас агвайде,  
Яг¹а куьче алцайа, вун фи акъай.

Эйчинра вун хъагуне хи уларис,  
Булускара алджине ве джандил.  
Маг¹на гулай мезуралле гафарин  
Вун дард хъуне зе ягъарин, замандин.

Къасусдира рахундава захъай вун,  
Къарачи суман элкъуьне хуппахъас зун.  
Э гъан базар яраб¹уьмуьр ц¹ай-гъуджай,  
Мидах¹ан фикъас алдея гъан хъес гуджар.

## ДЖАКЪВАЛАКАС БАЛЛАДА

Джакъвар, джакъвар.  
Дустар э хьин гъамиша.  
Мег1ни иде руху х1уьри  
Дахьурай чун гашила.  
Лап мишекъат, лап терс 1урдис,  
Йерхе г1улис рагъ але.  
1удафанар суман э хьин,  
Куьтех1 дахъа чагъ але.  
Дахьунайчи фишти зун  
Чве тур тикрар акъайий.  
Гъагегуна нуькер э зун,  
Рагъуас бахт агвайий.  
Эйчинра зе эхтилат  
Сара гелухъ хъударкай.  
1уьмуьр терг хъуб фи ч1ал э,  
Завул рагъар алдаркай...  
Са 1уьссе кас, тек – ялгъуз  
Х1уьрин гимил укъайе.  
Х1уьрин джакъра гъагин къвалахъ  
Дуьруьх1айра агвайе.  
Тек са 1уьши гъаге кас  
Джагвар хъуне, агъайе:  
Лап хабарсуз завали  
Инсанарра угайе.  
1ассайи джил зурзайе

Шерик хьуна гьамарис,  
Гимил суьх1бет акьайе  
Вайзар акьай заварис.  
1уьмуьр масан э валлагь.  
Джан алеттис джиларил.  
Бахтар тин час, сад Аллагь,  
Алихь вун чин хиларил.  
Джакьвра г1вайий гимилди,  
Агуб бадал ветеран.  
Х1айий гьаге джакьусра  
Уьчис агьаф 1азиз-джан.  
Джагвар ч1арар ибхь суман –  
Пашманг1велин ий лишан.  
Куьсуьхьхьуна хьуьси – джан.  
Дахьурай тек вун, инсан.  
Х1уьрин к1илихь гуьмбетихь  
Айий турар рухайрин.  
1акве дуьнья атуна, гуьр  
Хьуне джилис архаяр.  
Дег1уьйиас кьуншийра  
Лак кендавай адине.  
Агугуна йурк1урас  
Зун кьадарсуз 1ашуне.  
Кьикькье хьая, валлагь, зас  
Агугуна инсанар.  
Завариас адирай  
1айеттарил игьсанар.  
Терс кинояр агвай зас  
1ашал г1вая дат1уна.  
Варталас сагь агучин



Гіанаас іуркі утіуна.  
Маресьеван іазабар –  
Ціамуйа ягъ дагъузай  
Ихьпил, гелар атіубар  
Гагъ ціугъ гівай, гагъ агъузар.  
Хилил гьикай самокат,  
Тіалаб акъай, агвая.  
Култышкаяр – лап инад –  
Ругъу чіалал гьургъая.  
Негінет хьурай – дегіуьйрис  
Агъая зун, агъая.  
Іуьмуьр хьурай датіуна,  
Рахай, мухур утая.  
Джакъвар, джақъвар, джан джакъвар,  
Дустар э хьин вафалу.  
Ун хъая зас, ун хъая  
Чве авазар сафалу.  
Дегіуьйрис рехъхъ даирай  
Инсанари джиларил.  
Хіуьрин джакъвар даима  
Алдий хьурай хиларил.  
Ав, хиларил, хиларил  
Ціив-ціив алдий джиларил...

## МЕРХІАМАТЛУ ХЪУРАЙ ИНСАН

ФидахІан хъурай факъирар джилил  
Хъандавай чпихъ утагъна уджагъ.  
ФидахІан хъасе фасикъар джилил  
Джинакъай завар, джинакъай хъес рагъ.

Къайгъу андава йуркІурас даим  
Къуркъучинра вахъ,завална тІурфан.  
Угучин хулар, кІичинра жаван,  
АликІай къуншил ругъунде кафан.

ЙуркІуралас гІвай Іуьсефна шинюк,  
ДаргІвели айе факъирар кесиб.  
Лабар фатхъина секин э йуркІар,  
Хъагуна гуъррис ІайегІвелар несиб.

ХаингІвелин пас ярхІай йуркІурас.  
Хъуркъая джандихъ къарачи лепе.  
Инсанар гІвая нафс агъа рекъкъуьс,  
Алчархъая вал дагъарар, тепе.

Улар дахъуна джилис вун хутурф,  
Инсанарихъай секиндис вун рах.  
ИнсангІвелин тур кулаквив ицІай  
КІвалас магІва чвас хІуърна утагъ.

Пара курар акьадава т1алаб:  
Марх1аматлу хьуб акья т1алаб.  
Дахьуркьурай чвахъ кьиярин 1азар,  
Зе йурк1 чун бадала акья кабаб.

## ЦІАЙИЛ ИХЪПАР СУМАН

Ахуни ай шуне Іуьмуър,  
ІамкІекас зун гъархъуне.  
Хиялар зе хъуне заву,  
Фикирари – рагъар хъуне.

Ихъпар суман угай цІайил,  
Зе Іуьмуърра уцІуне.  
Гъич хабарра, вун дагъуджай  
ІуьссегІвелихъ – ушуне.

Эйчинра са бегІзиттари  
ГунтІ акъая къизилар, пул.  
ХІайиф дахъай, загІифарин  
ТулкІ акъая мал, девлет, мулк.

Сула кек суман ачІа айе  
Архайри зун удая.  
Къикъкъе къакъ эй далаттархъай  
Чуяйисра агвая.

Алдаркунде ухътан джилил  
Зерфелинра Іу багв агвай  
Алтухан кас ий тек са зун,  
Вахт дахъуна хъуне джагвар.

Х1айвандиас деги агвай,  
Къерекъилдис ли1ар агъай.  
Эхирасра – буржлура эй,  
Ери 1эмк1ер джандиас г1вай.

Пай акъай зун хъуне даим,  
Эвезис зат1 гъуджу дакъай.  
1уьджг1вел акъуб хъуне зе гимн,  
Дат1уна маскъкабаб акъай.

Х1айиф, х1айиф 1уьмуьр шуне,  
Нукът1аяр хай умударил.  
Жегъилг1велин кандий гъунар,  
Терг хъуне джан дадарин.

Ахуни ай шуне 1уьмуьр,  
1амк1екас зун гъархъуне.  
Уц1ай ц1айил ихъпар суман  
Ери завус тарг хъуне.

## 1УЪМУЪРДИКАС ХИЯЛАР

Жуът-жуът хьуна халкъ акьуне Аллагьди,  
Тек инсанар алдеа хье джиларил.

Гагь рагь, гагь ваз хьая джилил

панагь хьес,

Субайг1велин серин алдий уларил.

Ягьар – 1уьшар аттихья сад хьуна,

Аметтари девран гьикай шад хьуна.

Пашман э лап, хуш давайра рахая,

Сефил улар, ругъу улар агвая.

Дуъз эва чвеф, текди ягьар аттихьай.

Мич1е 1уьшар, дардар – гьамар алихьай.

Джан алеттар хьуна канде яшамиш,

Са джуьрейин к1или хайра яшайиш.

Джан алдий хьин уч1ай эва накьвари,

Рух1 – заварис, джан кичик1ай

ругвариг1.

Хутурф завус: цулин пешер джиларил

Пашман хьуна адархья; ягьарил

Серинар хай, 1ашай-1ашай джакьв

суман,

Пуърце ругун, битав дахъу  
накъв суман.

Хъидихъди тук, заварихъди ял акъай,  
Нафасикас, угъаликас мал акъай.

Хлакият эй, куьтех1 дахъу, хъаттакъай,  
Беденикас даран-баван хъаттахъай.  
Лахъун акъай, адархъая сериник,  
Мишти 1уьмуър куьтех1 хъая секиндис.  
Т1ебиатин къанунар э лап зурба,  
Халкъ акъая, к1ейра ая хал-уба.

Гъар са касдин г1аджал хъая  
раккарихъ,  
Бина дахъай хъин упунде ч1аларихъ.  
Лирк1иная Къурандира игъсанар,  
Жуьт-жуьт хъуна халкъ хъуная  
инсанар.

1у хил, 1у лак, идем-хуьмбеф  
алдея.

Сад-сайихъай яшамиш хъай кандея.  
Ягъар, 1уьшар, 1уьмуър, г1аджал агвая.  
Адиттарра джиларикди хъуг1вая.  
Гъалегуна, жуьт-жуьт хъуна яшамиш,  
Вари хъурай, дуьхъес акъай яшайиш.

## ЧЕШНЕ ХЪУНЕ ВАРИТТАРИС

Ассиррин дард умуд суман куькъкъуне вак.  
1 амал-х1илла х1архундава шииррис.  
Ве мег1нир чешме хъуне халкъарис,  
Чуьнгуьрин сес гъарай хъуне шаиррис.

Къудратлу ий, къадимлу ий бинаяр,  
Ли1аринра мердг1веларра артух ий.  
Жавагъиррис убур иц1ай дагъвияр,  
Ериш зарб ий, такабур хил ачух ий.

Гъич г1вастава гуьзел мег1ни ахунис.  
Ухшар э ге х1уьлин гужлу лепейис.  
Азад хъайде, гурлу хъайде исарил,  
Аманат эй хъайде вари уьлквейис.

Генара дагъ гъава къуне мег1нийри,  
20-пу асир – Гомер пу тур гъуджуне.  
Че Суьлейман. Ц1ас хъастава  
маг1ниг1вел  
Вахтарафас. Девирдис гаф упуне.

Биришарра абанкъулил алдея,  
Инсан, руьх1, ч1ал, таг1сирлу  
гаф – Лезгистан.



Арифдаррис – гуьзел ягъар кандейий,  
Азад мег'ни – угъал суман, – гуьлуйстан.  
Яг'ла зунра ве булахил адине.  
Руху джилин зумзумин хъед ухая.  
Тур фацасе асирарил, дамахис.  
Аллагъ суман агвай зун вав, гъургъая.

## ХЬИДИС

Кларе джили дуай нефес.  
Тлушар акъай беневша тук.  
Якъу багу зегьметин сес,  
Ах!а дуьнья акъая руг.

Къукърумун ун ая къуркъай.  
Абулейсан ая угъай.  
Херарилди къвалар утай,  
Уърдегарин гъайна-гъарай.

Гъава агу! Гъудже сафа  
Тух хъасе вун глутлуна чем.  
Ругъу турдис – дуу джафа.  
Лифи гъвадик акъая дем.

Дуьнья агвай хъая зун шад,  
Теби!атин ме э сувар.  
Хуппуарив – бегъерин дад,  
Джилис – завус хъая суваб.

## МЕГІНИЙИКАС БАЛЛАДА

Рахагуна джилар – завар,  
Адигуна мегіни тамам.  
Мичіе іуьшас хьуне ухшар,  
Гъайшине кьуш гуьзел –тіарам.

Кіил гъагъадвай вархал хіадул,  
Аттихъай сес, куьклай іаквар.  
Фикирарра – чіалал агъул,  
Завул алдий рагъар –іагвар.

Дагъарарра ая рахай,  
Ахпа хъай лал, хъахъай секин.  
Ширин мегіни завуас гівай,  
Куьче джилар хьуна эркин.

Ери-бина гулуная,  
Гъавурдира архъадава.  
Саттар іашай гъузуная,  
Къушран мегіни дикіадава.

Ме мегінийи ая кьудрат  
Куьчегівелар хъая токдин.  
Нечхир-хіайван хъай саламат.  
Джагваргівелар лап ипакдин.

Ме мегінийин ухьтангівелар,  
Гьар легьзейри ая агвай.  
Чиркин фикир йурклүра ай,  
Тергис кандий вазар-рагьар.

Адине кас кьалин дарас,  
Къушран мегіни якъу багус  
Диклай айий – кларе либас –  
Гулай даран гуьзел агуб.

Дагъдин хлүьрил – авазар шад,  
Заву хладар хьая загліф.  
Іуьмуьрдинра гулая дад,  
Дагьарилра – алурцай диф.

Къушран мегіни гівая завус,  
Ціелхемикас хьая ціаяр.  
Фи батлар э къушар тлавус,  
Малайикри ицлай паяр.

Ге авази ціейе ягъан  
Диклине ун якъу багус.  
Мичіе дарал адине джан  
Мегіни шуне чуьлле завус.

Гьургъай ая булах мерте,  
Пешер гьургъай чпин чіалал.  
Джан алеттар хьая мегьтел,  
Агвай джилил хларам-хіалал.

Гъаге кѳушра сирлу мег1ни  
Гъич дагѳузай ая агъай.  
Мег1ни э гъан мугар кане,  
Хиял э гъан рух1див гѳургъай.

Биц1и х1ад эй йурк1уран зе,  
Канег1велин мег1ни э гъан.  
Илх1амив йурк1 ац1ай 1акве,  
1акве хъайде беденна джан.

Гъавурдира архъай вари,  
Мег1нийилди ая гѳургъай.  
Дуъньяра акъай дири.  
Г1васе вахтар элкъей рагъар.

Цейе джилил, дакѳу ачух.  
Г1васе вахтар, авазилди.  
Гъавурди хъин хъасе артух,  
Гъейри касдин тавазилди.

Даим э гъан каинат хъес,  
Хъес мег1нийин ун г1васе хуш.  
Муьх1уьббатин дик1ая сес,  
К1илил алдий суьх1уьрдин кѳуш.

Исар г1вая, хъуна турут,  
Дамарариь – иарна мур.  
Завул г1вая к1аре булут.  
1ач1ек кея илан шамгъур.

Анжах намус хъая кӀисал,  
Ахуник кей хӀейрат, намус.  
ДарагӀ гӀая вагъши инсан,  
Туфангил тӀуб адине мус?!

Дарна джилар мичӀе хъуне,  
Джикай ая тереби руг.  
ХӀалал-хӀарам гӀачахъуна,  
КъанихгӀвелин алихъай муг.

Фи къуш э ме? Фи мегӀни э?  
Къадарсуз э вагъшигӀвелар.  
Якъу багу кумар, ниар,  
Нас хуш э ме нашигӀвелар...

Вархал хӀадул дууне цӀар,  
Къушул шуне мушка ерхе.  
АлзиӀине шайтӀанил дар,  
Гуьзел къушран хъуне эхир.

Ӏаквар – рагъар чурхъай хъуне,  
Ме кумари къулкъул-кӀаре.  
Дар зегъери акъай хъуне,  
Пашман хъуне дагълар-дере.

Са дараллас мегӀни агъай,  
Агвай ая са-сара къуш.  
Са гъвандилас ая гъургъай  
Са-сара кас, э гъан тек руш.

Дуьнья шуне са багухъди,  
Къушра мегъни ая агъай.  
Унар шуне те сувухъди,  
Терс хиялрин зегъер агвай.

Гладжалилас каинатри  
Канегъвелар хъуне гужлу.  
Эхиримджи, канеттарис,  
Гъатай хъуне даллай гурлу.

Завус ярхъай къаних улар.  
Зерфел хъуне йуркъра къушран.  
Загъиф хъайий гъагин гъунар,  
Амуьргвадуй гъагин унар.

Куьтехъ хъатий мегъни гуьзел,  
Даллайн ун гъвайий вархас.  
Гележегин агвай гуьрзел,  
Тек къушарис хъунайде хас.

Фи ий меъакъ дагундеф гъич,  
Мегъни джилил акъуф гъузар.  
Аликъиндеф либас кларе,  
Джан алеттар акъуф бизар.

Фи мегъни э, гуластава,  
Хъая гъазе джилар-завар,  
Чъире гафар рахастава,  
Фи къас хъасе ягъла зафас?!

Зе йурк1ура хьидар ая,  
Дуьньяйис 1акв дик1иная.  
К1инде кьушран эхъ агвая,  
Гис женнетар лик1иная.

Гуллайрилди джилиллеттар  
Къурмиш акьу, инсан агу.  
Къушар эй чеб х1исаб акьу,  
Дарахунде ч1алал агъул.

Къуркъушуми кьаршиламиш  
Акьучи хьин, акьасе фи?  
Инсаният дакьай саймиш,  
Акьасе пуч, хьасе сефил...

Гьалегуна, гьалегуна  
Даунхьурай туфангин ун.  
Джан але джан багъа хьуна  
Къушрас мег1ни агъасе вун.

Дик1ая ге вархал джилис,  
1уьшан дуьнья акьай муьт1уьг1.  
Ав, г1васе вахт, г1васе рекъкъуьс,  
Туфанг дагвай, алихьай муьг1.

Вархал джилил. Дараг1 инсан  
Хьасе, убур хьихьай ягъди.  
Хилар – завус, кандий игьсан  
Заварифас – женнет багъдин.



Гъаге касдис хъасий хъахлар  
Къат1 акъунде мег1нийин сес.  
Инсанар ий к1и дех1антар,  
Хъахлархъасий пелтек хъу мез.

Маг1лум дава джиларилас.  
Хъин сумантар вархариас,  
Х1улашувар х1адарилас  
Адиттар хъел алчар хъасий.

Мег1нийрилди дуай зегъмет,  
Джан аттихъай канег1вел хай.  
Къуркъушумди акъу туьгъмет.  
Г1вас акъунде чайгъунна хар.

Ц1аяра хъай, 1амалар кей,  
Завариас фикир дакъай,  
Дуьньяйивра рахай 1акве,  
Хиялар кей ут1у, накъан.

*2000 ис.*

## ВАТАНИС

Зе зегьметин нур,  
Хлакьлуглвелин тур,  
Зе дамах, абур  
Вун э, зе Ватан.

Хьидарин кьуват,  
Зе руьхлдин кьудрат,  
Зе луьмур, зе бахт  
Вун э, зе Ватан.

Баракат джилин,  
Уьт суман ширин  
Нини лу улин  
Вун э, зе Ватан.

Канде зас, лап кан.  
Ве рекъуь цлай джан,  
Игитарин макан  
Вун э, зе Ватан.

## БУЛАХ

Ве бугус зун адиная,  
Йурк1 мурадлив ац1уна.  
Ухуна хъед зумзумин ме,  
Пашманг1велар уц1уна.

Руху джилин, бабан джилин  
Нек суман хъед адаг1вая,  
Адаг1вая ве джандисра,  
Зе и1иг1ра г1ацахъая.

Г1ацахъая шавгъар суман  
Бузханайин ругъу-ругъу.  
Г1ацахъая нулар суман  
Завариас угъу-угъу.

Зун дагъви э-ли1арин дуст,  
Ери завар мут1а1 акъу.  
Рагъухъанин нуларииас  
Зас бигайин муг1вер агу.

Лепейриас элкъея зас,  
Элкъея зас чуьлле завар.  
Азад халкъдин ах1а руьх1ра,  
Зе уларин 1акве ц1аяр.

## ЭТЮДАР

### I

Парзай булах Чирагъ нацлус ушуне,  
Магъу дере шагъид хъуне садвелин.  
Чирагъ нацлра Каспий хлуьлис рукъуне  
Шагъид хъуне чуьлле хьиттар шадвелин.

Зе йирклура мурадарин ахлевел  
Битмиш хъая, ягъра-луьшра элхъейде.  
Зун гъуджая булахрифас мертевел,  
Деринвелар хлуьлерифас руьхъейде.

### II

Гагъ рагъ ая, гагъ угъая дагъларил,  
Шалбуз дагъдин килларил ибхъ алдеа.  
Багаймикас рагъ куьклая чларарил.  
Гагъ рагъ ая, гагъ угъая дагъларил,  
«Глул гъарайе»,— кар руьхъея хиларил,  
Шиш гуьнейрил дуьргец хили кандея.

Гагъ рагъ ая, гагъ угъая дагъларил,  
Шалбуз дагъдин килларил ибхъ алдеа.

### III

Диф алдея дагъдил Гетин,  
Ц1айлапанар куъркъай ая.  
1уьш рахая, дахъай секин,  
Дифар 1айи укъкъай ая.

Угъалари хилар ламу  
Рукъкъу джилихъ ерхе акъай.  
Элхъея рагъ. Дагъ э зарлу  
Зе гуч1хъубар г1уьрг1е акъай,

### IV

T1ax1ур дифар алдиджая дагъаррил,  
Зегъем э джил, дагъларис г1ул рукъуне.  
Че хиларин к1унт1ар ая майданрил,  
К1унт1 алихъай са солдат зас агуне.

Хъуьхъве, пешер фаттахъая дарари,  
Къизил пешер медалар эй агвая.  
Ге медалар умуд э гъан дарарин,  
Че медалар че мухурил гъургъая.

### V

Хъутурф, къушари ч1урхая завар  
Фикъас къарайсуз хъуная гъагуьр.

Чаркв адархъуне, андава дава,—  
Бала канхъубан гъунараp агу!

Гучлая загъас, хасуман зун чаркв.  
Фаттвайсуман бицлиф, херарис заглиф.  
Мугуйи куьче рахая къушар  
Чаркв хъаджикли, акъай зе тариф.

## VI

Чигари мерте  
Куьклиай цлаяp нурарив  
Заву ая рагъ.  
Джагвар хлайван суман диф  
Хъиклай-хъиклай адине,  
Нацлул фатхъай нагъв.

Ушуне руш булахил  
Са чаркв суман дифиран  
Хъуьсил алдий хал.  
Зе хиялра файшуне  
Глаги уьчин хуппахъай  
Кел суман рахай.

## VIII

Вархариас лап, вархариас лап  
Хъуркъая захъ зе Ватанин сес.

Зас гъагишти ая, камди ая зун  
Ме цуларис цѣикѣинарин мез.

Йиркѣурас гѣвая дегишгѣвелар зе  
Варха джиларин юркѣурас куъче,  
Гъич дахъу суман пашмангѣвелар зе,  
Гъич дагу рагъар цуларин ѣурчѣе.

Уларикас гъаттархъая зе  
Лап хъуъхъве хъунай дагъларин ишкил:  
Агъул чѣалалди гъургъай ая зун,  
Мукуъ хъая зас зе играми джил.

Багъларин къвалахъ, лап гѣадул капал  
Рагъунан нулар айий лап чурхъай.  
Джилдилди гѣвайий, гъуджай чпин джан,  
Къизилдин пешер чеб-чпив гъургъай...

Вархариас лап, вархариас лап  
Хъуркъая захъ зе Ватанин сес.  
Зас гъагишти ая, камди ая зун  
Ме цуларин цѣикѣинарин мез.

## БАБАКАС РИВАЯТ

Зе 1азиз баб,  
Чвас буржлу э гъамиша.  
Джан ине зас,  
1уьмуьрра вун акъуне х1ар.  
Магъа зунра  
Хулан ах1аф, дадра э.  
Девиррилра  
1ашукъ э зун тур фацай.

Убурихъас  
Хъаттардахъай риваят.  
Къикъкъе гъван эй  
Зе йирк1урал укъуне.  
Ме гафари  
Арг1уне хер гуьгъуьлин  
Зав мурад эй  
Зун джилари дууне.

Х1уьруьн гимил  
Укъунайий 1уьссеттар.  
Джегъиларра  
Къвалав файий саламат  
Суьг1бет акъай.  
1уьмуьр агу инсанри



Ге суьг1бетик  
Кедуй 1амал, зарафат.  
Х1уьжет акъай,  
Туьгъмет акъай бабасра  
Са сефера  
Гадайира  
Аджугъ кейе саягъди.  
Вун зас инде  
Неккуьн къадар хъайц1асе,  
Уп ве кымат,  
Х1алак макъа 1уьш-ягъди.

Эйчи, зе к1ирк1,  
Хъибу исди кафалихъ  
Хъихъина зун  
Ме дуьйейил алурц вун.  
Ахпа хасе  
Хъин терезар вахтунан,  
Х1архъасе хъес

Ве зегъметна зе зегъмет,  
Х1архъасе хъес  
Аршна бина бахтунан.  
Рази хъуне  
Ме кардилра гадара  
Алурцуне  
Хъибу исди дуьйейил,  
Дахъаттахъай  
Кафалихъас..

Хъайгуна гуър чпин хулас  
Гада хъуне бабав рахай:  
«Ве зегъметар кемева зак,  
Вун туьгъметар  
Мезуралас магъа зас.  
Хутурф вун зас.  
Зе хиларис, лакарис.  
Хъандава захъ гъич аман,  
Сара зас гаф махъагъа».

Гъагъадуна ибхъ суман к1ил  
Бабара гис агъая:  
«Тек са 1уьшан  
Кеттархъуне зегъметар  
Аметтара хъурай  
Бабан, чвас х1алал...»

## ЭКСПРОМТ

Джагвар – к1аре къирияр  
Заварилра укъкъая.  
Акъуна нях1с х1уьжетар  
Чуьлле завул рукъкъая.

Тук рагъунас элкъуьне  
К1ил гъагъадвай ругукас.  
Зе 1ашкъунан тазанаг  
Хъуне гъагин юрк1укас.

## ЛУЪМУЪР Э

Рагъунан нур гуъркъунде зав  
Ачух хъуне, куьк1у г1алав –  
луьмуър э.

Мелни агъай х1уьруьн джакъвар  
Заву ая, шаде юрк1ар –  
луьмуър э.

Куърмег1ин кум, ялар акъай  
Завухъ г1вая, агвай-дагвай –  
луьмуър э.

Укун сиви, мудур луьрч1е  
Аме хъакъай биц1и лэмк1ер –  
луьмуър э.

Машин-машин х1ачна джихер  
Рекъуьас г1вай, ц1уд эй ерхе –  
луьмуър э.

Кулакари файшуне пеш  
Цулин ягъар дакъай эглеш –  
луьмуър э.

## НАСИГІАТ

СабурлугІвел – абур э ме Іуьмуьрди,  
Сабурлу кас аттархьасе вархарис,  
Абур ухІ вун хайирдира шийирди.  
СабурлугІвел – абур э ме Іуьмуьрди.  
Маихьа вун ахІмакьІвелин суьхІуьрди,  
Эхирас вун, уджуз хьасе архайрис.  
СабурлугІвел – абур э ме Іуьмуьрди,  
Сабурлу кас аттархьасе вархарис.

## ДАР

Дагъарил тик, завус мукъва  
Алдея дар 1уьмуьр агу.  
Дженгер дуай лигим хьунде,  
Дарна кулар хьуна ц1аку.

Глава хьуне, дагъар ат1ай,  
Ли1арра лап куьркъай хьуне.  
Къирийрин гел багиймикас  
Ве джандилра амуьргуне,

Хьид хьугуна, хабар иц1ай.  
Плац ик1ая рагъунарра.  
1аквар чурхъвай, пешер дахъай,  
Дик1ай тукар, агуная.

Цул хьугуна, хая емиш,  
Бахтлу хъая агуттара.  
Бахтарикас пай ат1уна,  
Амуьргая дагуттарра.

1урд хьугуна, т1урфан хъайе,  
Алдиджая ибхьин шарфар,  
Къабул акъай иджеф-1айеф,  
Аттих1ая ягъар 1уьшар.

Къара хьидар адигуна  
Тук аттахъай бахтлу э дар.  
Гъамишанф э луьмуър джилил,  
Алдий килил чуьлле завар.

Закасра са дар хьунайчи  
Ватанис бул емиш хайде.  
Шад хъасий зун зе къисматил, —  
Бегьер цайде ериш хъасий.

## МУЪХ1УЪББАТИН ХЕРАРИЛ АЛДИЙ

Зас 1емк1екас агуне вун,  
Агуне вун вазул алдий.  
Ме фи кар э хьин гьаттархьуб.  
Хьес мидах1ан пара кандий.

Йурк1ура йурк1 г1ут1ай джилил  
Тамарзлу эй алдея, джан.  
Ве фикирар закасра э,  
Канег1велин хьуна лишан.

Магъа 1у х1ад мукъу хъая,  
Куъкъкъас кандий чуьлле заву.  
Ме х1адар хье мурадар э  
Чпис гьеле дава дахьу.

Зас 1емк1екас агуне вун  
Агуне вун заварилас.  
Зун ве бугус г1вай агуне  
Муъх1уъббатин херарилас.



## СОНЕТ

Къвадилкъван алмасрин диклина  
Ипхъ ая суьхлуьрчи руш суман,  
Іурдана куьч хъунде къуш суман,  
Хъидикас меінияр ликлина.

Че хлуьрин килихъ са хал хъая,  
Якбу багв дарари цлуьппе къай,  
Рагъунан нурарра гъич дагвай,—  
Ве хал э,зе иъил уц хая.

Ав, вунра хал суман тек э тек,  
Фикъас вун ялгъуздн ая гъан,  
Іуьмуьрдин багъа тук хъугуна.

Іуьмуьрди адава зас герек —  
Вакас зе йуркІурас э глаян,  
Канде зас Іуьмуьрар сад хъуна.

Айдихъас адине диф,  
1уьш адине дагъларил.  
Ушу исар хъай х1айиф  
Алдеа зун накъварил.

Плац ик1ине балайис,  
Фай адине дуст ч1алал.  
Чуьнгуьр хили фацуне,  
Х1ар акъай х1арам-х1алал.

Зун ахуни хадава,  
Агъзур хиял к1или ай.  
Цул джиларил адине,  
Къизилдин пеш хили ай.

Адархъу пеш зе йирк1 э гъан  
Кулаки хай вархаас  
Бала гулу са джакъв э гъан  
Гъарай акъай дараас.

\* \* \*

Хіуьлерихъас ади дифар,  
Дагъдин кІилихъ цуьппе махъа.  
Хили ая кІаре кучар.  
Вун гафарис мискъи махъа.

## ДАРНА ЭХЪ

Джилихъ алдаркуна агъая экъуьна:  
– Ме даралас хъутурф вун  
Ах1а хъунде, алдий зе ул.  
Дуст хъасева гъагикас зас,  
Гуласту ме уларигъас.  
Рекъуьн абур эй хъуне са джигайил.  
Ушуне ягъар, ат1уне дар.  
Рекъуьл але гулуне эхъ.  
Эйчинра эхъуь упу гафар  
Амея зе йирк1урара...  
Дар гулу рекъкъуь ух1ая сабур.

## ЗАС КАНДЕ ВУН...

Зас канде вун...

Цулин заву са луж суман дурнайрин,  
Аршдис ушу зе архайрин рух1ер эй.  
Дурная г1вай кьибла багухъ гьарайрин  
Унар хьуркьай, хуппурилле сегьер эй.

Зас канде вун...

Ругъу джилис жанг ярх1унай, лап джагвар.  
Куталирра изан акьай, джил ат1ай.  
Кандейхилди джилик ушу ударар  
Инсанин хил, рагъунан нур г1ацахъай.

Зас канде вун...

Хил алдаркай кулакира, адина,  
Алмей са х1ач чпихъ дуай даралле.  
Кандийхилди текг1велара дик1ина  
Эхиримжи умуд эй зе ракалле.

## ТРИОЛЕТ

Вархал рекъкъер зе лекарик руг хъуне,  
Магъа зунра руху гимил алдеа.  
Зе 1ашкъунас ве гъвадикра муг хъуне.  
Вархал рекъкъер зе лекарик руг хъуне,  
Хъин сад-сайис муъ1уъббатин к1ук1 хъуне,  
1уъмуърдирра ве тур сивил кандеа.  
Вархал рекъкъер зе лекарик руг хъуне,  
Магъа зунра руху гимил алдеа.

Джикая х1аят,  
Акбай лахъун  
Т1урфани,  
Элхъея вун 1у джуьрейи,  
Зал аликл1ай хиялар  
Кафанин.  
Терс январин т1урфан суман  
Хутурфуне зас.  
Куьркьадава хъуьсик ибхъ  
Файе х1уьттес – аяз.  
Ругъуг1веле ге чуьлле  
Угвай юрк1-джигер.  
Хиялрин зе сегьер эй  
Аттихьи 1емк1ер.

Зун дуьньяйис адине  
Акьуна гьарай  
Алурцуне дуьньяйи  
Инсанив гьургьай.

Дуьньяйиас весе зун  
Багърияр лашай.  
Секин хьасе ругариг1  
Лакъанрив гьургьай.

Ругариг1ас айч1васе  
Рагъунахъ 1уьк1вер  
Йирк1ура хьу хиялрин  
Гунт1 дакъу бегьер.



\* \* \*

Дуьньяйиас рухайе дуьнья,  
Бабанра фуниас шинюк суман.  
Фи ухьтан э,  
Бабан суман,  
Дуьньяйин хьуьсуь.

## ХІУЪЛ

Мухур утай лепейри, секин дава хІуъл.  
Сивик элхъ кей, зун алдеа кѣирагъил.  
ХІафтава зас фи кар эйчи секингІвел,  
Зе йирклура куьклуная эркингІвел.

Даллу э хІуъл, гѣагъадвай тик лепеяр,  
Руг-руг акъай дагъар, чархай, тепеяр.  
Зас гишти э, кѣуват ицІай тІурфанис,  
Агвар акъай уьчин гѣунар инсанис.

Ругъу тІинклар хѣуркъая зе зангарихъ,  
Зас гишти э, хІуъл руцаа рангарихъ  
Ачух къайде йурклуранра дерингІвел,  
Артух къайде зас Іуьмуьрдин ширингІвел.

УхІая зун зе йурклуран харайи  
Дерин Іакве мурадарра заварин,  
Гѣагуьр агвай хІафтава зас гѣагъархІуб.  
Къисмат дакъай декъикъира яваш хѣуб.

Руху халкъдин кѣуллугъи хѣуб уьш-ягъди  
Маскъад э зас баба инде сагъ джандин,  
Маскъад э зас зе Каспийин хѣиттарин  
Багъиш акъу джилин дерин къатарин.

Диф гулуне...Якьу багв лап секине,  
Зав джикIинде лиI сумай зун эркине.  
Эйчинра хIуьл кихиттая, гьургъая,  
Микьнатиси суман уьчил дуая.

Вун адине лап садпуна, угъал эй.  
Ге угъалин т1инк1ар захъра куъркъуне.  
Вун адине лик1и дакъу х1арф суман,  
Ве турун ун зе убурихъ хъуркъуне.

Андава вун, аттархъуне вархарис.  
Бейхабарис фацугуна багъа тур.  
Йурк1 1ашая, адархъуна джилилди  
Зун луйтквейис ухшар хъуне агъаду.

Чайкайи х1уэлил акъая сирнав  
– Найсая зе чаркв?–багв акъай джил, зав.  
К1ареттар алдий дишегъли х1уэлил:  
– Найсая зе к1ирк1,– нагъв дик1ай улил.

Чайка ая джик1ас акъай чаркв,  
Балайихъ бабра аруцай даим.  
Джагварг1велра э хияларин жанг,  
К1илин джагварг1вел – умударис гимн.

Ав, т1урфанира к1ине заг1иф чаркв,  
Руькъ-руг акъуне гин играми к1ирк1.  
Эйчинра бабахъ хъуркъуне хи жанг,  
Джагвар хъуне к1ил, к1аре хъуне йирк1.

## ХЪАСЕВА?

Лиъ кьѳеси хъасева ухлас?  
Лепе х1уьлил хъасева фацас?  
Рагъ дифариг1 хъасева уц1ас?  
Канеттин гуьгуьл хъасева арг1ас?

Шавгъарикас хъасева тереб?  
Буш гафарихъ хъасева метлеб ?  
Мискьи касдихъ хъасева мешреб?  
Ях1 гулуттихъ хъасева эдеб?

Ватан маса хъасева иц1ас?  
Душманихъай хъасева гъургъас?  
Йурк1 ц1аяри хъасева угас?  
Зун кихъинде гъуджасева дарс?

Гъузай угъал. Гулай дифар. Агу рагъ.  
Шад чайкайри г1ут1ай х1уьлин лепеяр.  
Туп хили ай, къумул лухъай шинюк сагъ,  
Фи т1араме 1уьмуьрдин ме легъзеяр.

Садпуна зе убуларихъ хъуркъуне  
Лап терс унар, бомбайи джил чурхъуне.  
Ме гадайик нех1с къуркъушум куьркъуне  
Ме шикили зе джагъил йурк1 ут1уне...

...Гулуне 1эмк1. Гъархъунайий зе сусра.  
Хил алдий зе шинюк айе 1абалал.  
Гин хиялар дик1ай хъуне завусра,  
Ислах1 1уьмуьр бадал хъуне дженгуна.

## ГЪУРГЪАЯ ЗИГЪИН

Гъаттархъай ая уларикас зе  
Лентуас суман киноин накъан  
Лап къати дженгер, ушунде заву,  
Фишти джиларил ухлучи инсан.

Зояйин суърет 1уьмуърдис элхъей  
Гуллайифас гъич сугъул къас дахъу.  
Матросован джан, дзотихъ руьхъей  
Саф-саф хъуна йурк1, насилрив раху.

Магъа Карбышев–генерал, игит.  
Меркуран къаяб эйчинра гъургъай.  
Магъа фашистри хъуьч1уьрх1ай май  
Ул куьркъас ая чписра гуч1ай.

Зенгерин унар дик1ина Хатынь  
Уларикас зе ая гъаттархъай.  
Са иттал хъуна хъадава секин.  
«1уьмуър багъа э», – дат1уна агъай.

Гъургъая яг1а Брестин гъванар  
Инсанар хъуна джиларин лурцай.  
Рукъая залди шинюккин унар,  
Пичари угай, пуьрц1е руьккъьер хъай.



Сталинград шегьер-лап зурба къала  
Алчах фашистар дарбадагъ акъу.  
АжугъгIвел, лягIнет йуркIура ая  
Битмишар акъай лап гафар аджугъ...

Зас кандава эхир, кандава завал,  
Кандея завар – дифар алдавай.  
Къуй къушарра, ав, лурцурай завул,  
Канде зас Iуьмуър барут хъадавай.

\* \* \*

Акбай хьуне ц'аяри,  
Маца айе, гьараяр.  
Куьче хьуне х'уьйегис, –  
Къате хьуне г'алавар.

Угар хьуне ругъу хьед,  
Ц'аяр хьуне лап къате.  
Алайшуне х'уьйегра  
Ат'усуне ц'ай гьаге.

## ВАРХАРАИС ФАЙ ИДИНЕ КУЛАКИ

Фай адине терс кулаки  
Зас хъидикас авазар.  
Хъуне ачух завун хъуьси,  
Зе юркIуран дамарар.

Къул дууне рагъунарра  
Баят хъунай ипхъарил.  
Гъагъадуне тукура кIил  
Шад эй хъидин ягъарил.

Уларисла агуне  
Каинатин дерингIвел.  
Гъуджуне зе хиялари  
Ракетайин йигингIвел.

Эйчинра зе хиялари  
Дагълар, хIуьлер хаб акъай  
Сирнав ине зе канеттин  
Бугусра лап юркIра фай.

Фай адине терс кулаки  
Зас сафалу мегIнияр  
Вун агъасе, къвалав фая  
Варха айе кане яр.

Цейе мегіни сивил алдий  
Гуьзет акъай, ягла гуьзел.  
Ме са сеэт, ме луд, хьибуд.  
Хъайндава вун. Юрклурал пут  
Алукьуне. Гуьзет акъая.  
Ягла гуьзел. Минет акъая.  
Вахтунис зун. Гівая ягъар

Гъвая зерра джегъил исар  
Хула ая хъакьуна цай,  
Юрклураас гівая гъарай  
Почтальонди дахъуне рак,  
Сабурсузгівел керхъуне зак.  
Зас хъайндава вадас кледжар,  
Теребари утая дар...

...Цейе мегіни алдий сивил  
Гуьзет акъая ягла гуьзел.

## ДУЪРГЕЦИН МЕГІНИ

Маргъухъанар кардик кея  
Юрк1ура ай ашкъи-гъевес.  
Къалин уьк1ер, кейч1вай къешар  
Адархъая джилил серес.

Зив-зив акъай, кардик кея  
Агъзур сефер кетту дуъргец.  
Г1адатин кар к1или хая,  
Лежбер ая билбил эй мез.

Ухътанг1вел эй шад зегъметин  
Ачух акъай гъар сайис юрк1.  
Х1алар г1вая куьтех1 дахъай:  
Уцая тул, уцая урк1.

Зе Ватанин генг джиларил  
Хъастава уьч мусра къуьре  
Х1уьрметлу э, багъа э час  
Дуъргецин ун ширин дире.

## РУШАН ДАР

(Риваят)

Гъава дагъларин гъава суварил  
Хъуний яшамиш са яшлу дагъви.  
Іуьмуър ушунде шад мегІни суман,  
Капал фацаий лап багъа рагъ ги.

Бирдан са ягъа кІине хъайе хъир,  
Муя иса айе рушра атуна  
Дуьйилра яраб хъасе гъан зулум,  
Хъушуне илдеш Іу ягъ агуна.

Ушуне вахтар ул даярхІай хаб,  
Хулас фахъайне гирра цІейе сус.  
Дардийри хулан гІвайий гин ягъар,  
Арабир хиялар хъайий гин усус.

ИцІайдуй рушас бегъем гуни, хъед.  
РахІар рухІайий кІилил ме рушан:  
Кандий фаттихъас цІайисна нацІус  
МахІрум акъай ме ягъарикас масан.

Алгъатай нагъвар гІвайий чуьллерис,  
ДжикІас акъай гъабгъар, гІутІайий ІуькІер.  
ЙиркІуран хиял кулакрис ицІай,  
Шерик эй гил лурцаий лиІуар.

Са цулин 1уьши адине т1урфан,  
Хъайндава хулас гъаме биц1и руш.  
Къалин 1уьк1вериг1 алчийне ахун,  
Дууне гин джан, хъунде лап нахуш.

Сурат дик1ине вархал х1адарис,  
Руш гъархъу джилис дик1ай къулкъул нагъв,  
Агъуч1уне дар, дамарриас къеш  
Айч1вай хъуне гин, хъайндава шад рагъ.

Ч1ир акъай хъуне агуттин гуьгъуьл,  
Пешериасра адаг1вай нагъвар.  
Сузайик кейий, къузайик ме дар,  
Легъзейрихъ 1акве акъайий ялвар.

Дагъдин мухурил алдеа тек дар,  
Хъенди агъая: «Гъаге руш э зун».  
Гъаме дар агвай зун хъая пашман,  
Цулин зегъемик аттархъай зурзун.

## КУЪК1УНАЯ Х1АД

1985-исан СССР-дин Государствойин  
премийин лауреат, зе х1уьруьншув  
Ибинаев Шаг1банас бахш акъая.

Ух1уна ах1аг1вел булахрин мерте  
Мех1кем э херар, ачух э 1у ул.  
Хиларикасра кеттархъай ц1аяр  
Вахтуна иц1ай бегьерар лап бул.

Къалин суьруьйрин х1ар акъуне ч1ал,  
Дадарин ирс эй х1уппахъандин рекъкъ.  
Давамар акъай, зурба гъунаарар  
Акъуне агвар, сивил алдий элхъ.

Алакъунар вахъ хъуне лап ах1а,  
Ц1ейе джуьрейи дууне зегъмет.  
Ц1ейег1велара х1ар акъай даим,  
Дагъви инсан ух1уне х1уьрмет.

Малдарг1велин иц1ай лап зурба бегьер,  
Ах1а премис хъуне вун лайих.  
Якна, хъияр, нис ерийин идже,  
Ух1ай бейнийи дагъвийин къилих.



Къастуна хай женгерихъ бахтлу,  
Шадлу э вун зегъметил азад.  
Гъунари ух1ай абурра ве тур,  
Машх1ур хъуне вун джиларил абад.

## МУЪГІВЕЛИМИС

Рагъар хъуркъунде шад мугариас  
Лиъарин чарквара весе вархарис  
Муът1уыг1 акъасе гъаваяр хъимуд,–  
Умудар весе ери заварис.

Диб кихъая вун бахтарик ухътан,  
Узая вун тум-гъуджасе бегьер,  
Хесетар ч1ире хуппахъди акъай  
Джегъил несилдин агвая сегьер.

Арайи ая шинюкварин вун,  
Хъуная гуъррис х1арг1веларин рагъ.  
Зигъинди ух1ая вун инде дарсар  
Багайин рекъкъуън кихъая вун багъ.

Сад хъасе духтир, садра – агроном,  
Гуъррин к1еджара устулил агвай.  
Чухсагъул агъай, йурк1урара вун  
Айе гъагуъррин, багайив гъургъай.

Джан алмий гуъмбет алихъине вун,  
Х1уърметар пара акъая хи чвас.  
Параттар медра рекъкъуъас г1васе,  
Багъа давайде адава гъич кас.

Гаге рекъкъуъ хъасе секингIвел джилин,  
Тукарин атир, джагваргIвел Iурдин.  
Гъаге рекъкъуъ хъасе Iуьмурдин ялав,  
Вахтарифас гыч дахъайде серин.

## ШАЛАМ

Яц хьуне 1уьссе,  
Руккуне тамам,  
Хамунакасра  
Акьуне шалам.

Даима гинра  
Хьвехъ заву ая  
Ге «бегдихъай» хьин  
Фишти гьургъая.

## ЯКЪУ ЦІАРАР

Къуй ме дуйил амуьргурай угъал хъуна зун,  
Чарчарин хъед, рагъунан нур куьркъай берейи.  
Уруулрин пашманг1вел эй заварил цулин.  
Кушкуш эй чинарин дагъди – дерейи.

\* \* \*

Фидах1ан дамах гъуджучира ач1а айе хъитта  
Гин т1инк1ар Каспий х1уьлис руькафра дава.  
Фидах1ан ягъ эйчинра гуьлуьшан шад эй зе  
дустар,  
Пашман э зун, муьх1уьббатис дахъуна дава.

\* \* \*

Чигифас, ипхъарифас эбеди иде  
Ругъуная вун, булахин хъед.  
Ругъас къая наврузбегар  
Ве баба, йе руш, гъузаркъай лап бед.

\* \* \*

Пара х1ая хьин, йе руш, хьес,  
Эйчинра ч1укь кьимат иц1ая бахтунас.  
Ягьалас ягьа гьаттархьяа хьин,  
Элкьуь дакьай хьес инде вахтунас.

\* \* \*

Дагьдин к1илил але 1уьк1ер  
Чун х1уппарис кьисмат хьасе.  
Фидах1ан дамах хьучира, йе руш.  
Шувас душучи вун баят хьасе.

\* \* \*

Заву 1у х1ад нураp иц1ай  
Сад сайихьди сирнав ц1ая.  
Фикьас хьин 1уд дуьйил алдий  
Х1адарилас варха ая?

\* \* \*

Ме дуьйейи ч1укь дустар хьундава захь,  
Са гелаас, фикирарра сад эй шуттар.

Эйчинра зас чуяриласра хьуне багъа  
Пашман ягъа, четин ягъа са джигайил хьуттар.

\* \* \*

Заву хладар ягла луышира куклуьная,  
Зе бицли хладура джилин –  
Руша агъая, хутурфай завус:  
«Са хлад фашав зас, завуас секин».

\* \* \*

Рагъунахъ кьизил,  
Бушлухрис гъава  
Ушуная,  
Дагъларин к1илар  
Убуррихъ  
Хъуркбая зера:  
Дагъви, вун  
Джагварвелис  
Дагъларин гъава  
Хъунава  
Вафалу...



\* \* \*

Пашманди элхъей  
Цул уч1ая зе юрк1ура  
Къикъкъе хъуная  
Зе багъди дарарин кулар  
Зе 1уьмуьрдин яраб  
Нейе вахт э гъан ме;  
Агвар акъас дахъуна гъунар.

\* \* \*

Ягъакас уыш хъуна канде темпелис,  
Далаттуркьай гыич са карра уъчифас,  
Диреттари 1уьшарикас гъуджафе  
Ягъ, са муъзе ерхе хъурай агъафе.

\* \* \*

Къариблухи хаджалатар дерин хъафе,  
Ватанин тур вариттарлас ширин хъафе,  
Руху джилис хаинвелар макъа вун,  
Дахъучи чвес рагъ але ягъ серин хъафе,

\* \* \*

Вазухъай заву ая 1акве х1ад,  
Джилилра, руш, алдеа хъин 1уд.  
Муьх1уьббатис хъе хъадава дава,  
1уьмурдихъ хъурхъай т1урфанарра 1урд.

\* \* \*

Руху Ватан, –  
Зе Агъулар.  
Йурк1 ах1а э –  
Дере дех1ан Магъу.  
Муьт1уьг1 э чвас  
Гъар са х1уьлра,  
океанар.

\* \* \*

Джили эбеди эй ярх1ая чархар  
Инсаниятин кьикъег1вел хая кафалил.  
Вариттарихъай пай акъай къайгъуяр  
Бахтлу э зун, зе асир къабул, акъай г1унарил.

\* \* \*

Эгер начагъ хьунайчи вун  
Гуч1 махьа чвас дарманрихъас  
Эгер хьайчи вафалу дуст  
Гуч1 махьа гьич душманрихъас.

\* \* \*

Х1уърмет акъе 1уьссеттарис –  
Вунра 1уьссе хьасе, бала.  
Хили, лаку звар андавай  
Вахтар чвасра г1васе, бала.

## ГЪЕЗЕЛ

Фи чIире – дар макъамди зун дуьньяйис агуне,  
Зе Iаре гулар бабан нагъваривди ацIуне.  
Чеб пир эй агваракъай бейгъуьш ине мурдалри.  
Харапаяр рухIерин агуне зас дуьхъуьна.  
Фиш къефеси рухучи, гис агвасту азадгIвел,  
Хъучира чеб Iуьмуьрлух даллу пIэ эй куруне.  
Инсанар гIулар дава улар дахъай гъархъайде,  
Исар шуне зе улар дахъуна лап гъархъуне.  
МуьтIуьгI хъуне малар суман хIуппахъандис  
рес фIае.  
Iадалатар андава, час Iуьмуьрлар дар хъуне.  
Дахъучинра дагъ алихъас, гъич дагунде  
дагъларил,  
Гъамиша зун йуркIура, зе хула цIай ухIуне.  
Я Камалдин, уп ахIмакърис: «Дава дахъа  
дард адава,  
Давасуз дард кея хи зе мегIнийрив датIуна.

## ДАДНА ГАДА

(Риваят)

Са вахтари г1адат айий са х1уьри:  
Лап к1ейде вахт хьугунахъди, дагъарил  
Дадра хайий, лап тик, четин, лап гъава  
Фуърдек1и ай, жанра алдий сузайил.

Фаттихъайий дагъарин лап к1илилас.  
1уьссеттикас нас куьркъасе хайир-зат1.  
Агъай хъайий джегъилара къайгъусуз,  
Хиялрин ц1иргъ акъуна зе даим къат1.

Гъава иде, лап тик иде дагъарил  
Гъагишти, ав, гадаи дад файшуне.  
Вархал ий рекъкъ, четин ий рекъкъ,  
к1ил вартихъ,  
Вун агъасий, йурк1 заварихъ 1ашуне.

Эхиримжи гаф гъуджуна дадара  
Агъур нафас, ругъу улар агваркъай:  
«Гъаме фуърдек1 васра герек хъасе, к1ирк1,  
Зегъмет майц1а ве веледис х1азур къас».

Х1айиф хъуне уьчин дадра гадаиис  
Акъуне ч1ир айе г1адат, хуласра  
Фахъийне дад, х1ар хъуне хи, уьчихъра  
Хъайеф ге ягъ, виждан акъай рахасра...

## 1УРДИН МЕГ1НИ

Угъая, угъая джагвар ипхъ,  
лаз заварин,  
Убурихъ хъай къазе къив, гужлу зив  
хъидарин.

Угъая 1урдин иман эй,  
Шалбуз дагъдин аман эй,  
Баракатин уьргъан эй,  
Дагу суман дарман эй,

Зе гулунде 1емк1ерин.  
Угъая, угъая джагвар ихъп,  
лаз заварин.  
Убурухъ хъай гъазе къив,  
гужлу зив хъидарин.

Лал ач1арис сел хъайде,  
Генг майданис кел хайде,  
Дагъдин х1уьрис мел хайде,  
1ашукъ джандис тел хайде  
Тукар – дженнет х1адарин.



## ЭТЮД

Гьурк1адава джиларил  
Инсанарис 1уьмуьрар.  
Сад-сайис хьин хьагвасе.  
Кьисмат хьучи, заварил.

Яраб джига хьасе гьан  
Муьх1уьббатис йурк1ура,  
Меркв ая зе хат1ари  
Ве уларин заварин.  
Фиш хьасе гьан дардуна,  
На кьасе гьан сирнавар.  
Вун хьушуне вархарис,  
Вазра суман дифарик.

Гуьгьуьлин кьуш 1ашая,  
Арг1уная зе херар.  
Рухая зун дат1уна  
Вун хьуг1вайде аятар.

Зе джан-джасад баяте,  
Миншери йурк1 ат1уна.  
Зун джиларил тек э тек  
Зе г1уларра уцуна...

## ГІАЛАВ

*(верлибрилди ликленде поэма)*

1.

Пашман цулин  
Хъуьхъе гелар  
Алдий ая  
Гіулил куьче,  
Хили кьалам  
Гъужуна зун  
Эхтилатар  
Акбай идже.  
Іакве, джагвар  
Лифар суман  
Завар кане  
Рагъар суман.  
Ях, зе ціарар,  
Ери завус,  
Яшаміш хъухъ  
Гъар са иса.  
Ун акбурай  
Агвай инсан  
ВафалугІвел,  
МуьхІуьббатар,  
Харна тіурфан  
Хаб акбайде.

## 2.

1у руш хъуне  
 Дагъдин х1уъри  
 1у тук суман  
 Ухътан ий гуър.  
 Ягъар-1уъшар  
 Са джигайил  
 Аттихъайий.  
 1у хил суман  
 Са беденин.  
 Мектебира –  
 1уд са партихъ.  
 Шадг1велара  
 Пашманг1велар  
 Пай акъайий.  
 Мег1ниярра  
 Акъай хъайий.  
 Варха рекъкъер  
 Шад 1уъмуърдин.  
 Рагъар–вазар  
 Элхъей хъуне.  
 Легъзейрин ун,  
 Билбилрин ун  
 Г1улар рагъар  
 Ичай нулар.  
 Халкъарира  
 Дамах акъай  
 Гъагуърилра

Сегьер-сегьер  
Іакве нурар  
Ухшарар гІвай  
Рушарисра  
Бахтарин нур.  
Гуьррин турар  
Якьу багус  
ДикІинайий.  
Хьидин мегІни  
Суман Іакве.  
ЙуркІни келла  
Са фикири  
Дуай чпил.  
Іашукь хьуна  
Айий Іудра  
Са гадайил.  
Турра ий гин,  
Ав, Суьлейман.  
Муьгтьуьббатра  
Мерте ий лап,  
Нурлу ий лап.  
НацІвар суман  
Дуай уьчил  
Умуд мурад.  
Дуьнья хьай шад.  
Шад билбилар.  
Хьидин тукар,  
ПашмангІвелар  
АцІас акьай.

Эйчинра гуър  
Къисматира  
Гъар джуъре рекъкъ  
Агвар акъай  
Са къвалахъди  
Дуай айий.  
Г1улин тукар  
Гъар джуърейин  
Хъес дагълари  
Агва суман.  
Гъар къвалахъди  
Гуъррин 1уьмуър  
Ушуна хи.  
Сус хьуне сад –  
Замирара.  
Амма Туьквез  
1ашай ая.  
Я 1уьш дагъай,  
Я ягъ дагъай.  
Хилиасра  
Са кар даг1вай,  
Хиял далгъай.  
Гъар къвалахъди.  
Х1уьлил лепе  
Далгъай суман.  
Эйчинра гин  
1урк1ураас  
Дааттархъай  
Айий канеф –

Нур Суълейман.  
Хер аргӀунде  
Нечхир суман  
Айий Туьквез.  
Умуд амий,  
Гин йуркӀура.  
Багайин ягъ  
Гин хиялри  
Рагъ алеф ий.  
Бахтунан къуш  
ХъугӀвайдеттихъ  
Хъайий умуд.  
ПашмангӀвелар,  
Хаб акбуне,  
Рухвас гӀвая  
Ухътан Туьквез.  
АхӀа шегъер,  
Дустар къалин,  
Ягъар гӀвая  
Сад-сайихъай.  
Арабирра  
Хиялари  
Хъай Суълейман.  
Хъимудма сад  
ГӀвай хъунайий  
Хилна йуркӀ цӀай  
Эйчинра са  
Гаф ий агъайф:  
Ваъ! Ваъ! Мусра! –

Сара касдис  
Ицластава  
ІуркІна зе джан,  
Хьидарихъди  
ГІвайий цулар.  
Туьквезра гьич  
Хьадуь дегиш,  
Хьадуь вардиш  
Сараттикас  
Акьуб хиял.  
Арабирра,  
ЙуркІурара  
Замира гин  
Ай хьунайий.  
Куьгьне ишчил  
Хьултухъи ай,  
Гис хутурфай  
Замирара  
ХІуьри айий.  
Кане шуван  
Хула айий.  
Секин ҳулан  
Іаквна рагъ эй  
Алтух фи гис  
Кандий джилил.  
Ягъар гІвайий  
Ме-те акъай.  
Хьуне гада,  
Хуппахъ – сараф.

Фи йигин ий  
Іуьмуърдин чарх  
Алдаркайде.  
Бахтна шадгІвел  
Хай ягъари.  
Туьквезанна  
Рухубарра  
Хьуне куьтехІ.  
ІачІек – диплом,  
ХІуьрихъди–рекъкъ  
Хьуне гинра.

3.

Замирара  
Къайгъуяри  
Гъатай вахтар.  
Веледарин,  
Кане шуван.  
Ягъарикас  
Са ягъара  
ГІулин къалин  
Угъаликра  
Кичархьуне.  
ХъугІвагуна  
Хераасра.  
Хьуне бейкеф,  
Хьуне начагъ...  
Пара ягъар  
Ахунилра



Гин ушуне.  
Духтирракас  
Хьундава гис  
Гьич са чара.  
1айе хьуне  
Х1алар гьагин.  
1аламатар  
Гьаме дуьйил  
Алдеа ч1укь.  
Ат1усайий  
Уларин 1акв.  
Заг1иф хьайий  
Замирайин  
Джандин кьуват.  
1уьшарира  
Пашман Туьквез  
Хиялари  
Хайий вархас.  
Духтир рушра  
Къвалахъ хьайий,  
Шемерин 1акв.  
Ч1укь хьа суман  
Куьтегъ хьайий  
Замира...  
Хабар айий  
Уьч кандейф гис.  
Дуст рушари  
Агъай хьуне:  
– Зе дуст, зе чи,

Зе вахт хъая,  
Дуьйейиас  
Г1вая зунра.  
Тавакъуй зе  
Т1алабун э –  
Зе шадг1велар.  
Уларин 1акв,  
Зе балаяр  
Валди хьурай,  
Аманат вас,  
Са зегьмет дуь.  
Баба суман  
Ах1а акье,  
Ух1 хиларил.  
Гин уларра  
Гьамиша эй  
Алчакьуне,  
Файшуне ге.  
Канег1велар,  
Умуд-мурад  
Шадг1велна рагъ.  
Суьлейманан  
Пашман ий йурк1,  
Ягъди-1уьшди  
Х1ижранин диф  
Алурцаий  
К1иларилра.  
Гис гишти ий,  
Дуьнья андуй,

Іуьмуьрдихъ ранг  
Хъандавай гъич.  
Амма Туьквез  
КІил дуас гІвай  
Шинюккварил.  
Баба суман  
Дуай зегъмет.  
Хулан курар,  
Къеццихъ – куьмек  
Акъай гуьррис.  
Гин йуркІура:  
– Са гаф яраб  
Суйлеймана  
Агъастугъан. –  
ПашмангІвелин  
МичІна тІурфан  
Эвез акъай  
Рагъарира  
Айий куьче.  
Гирра, дуьйи  
Хьид хьугуна  
Туьквезас-хьир  
Упуне ги.  
Шинюквара  
Хьундава гис.

4.

ГІвайий ягъар  
ШадгІвелари.  
АхІа хъайий

Веледарра  
Къушар суман  
Гъар къвалахъди  
Далгъуне гуър  
Вархал рекъкъер  
Дустар, къуллугъ,  
Ах1а шегъер  
Х1уьлин къвалахъ.  
Ц1ейе хал-мукъ  
Гисра хъуне.  
Садпуна лап  
Суълейманра  
Ушуне ме  
Дуънейиас,  
1уьссе хъуне  
Садпуна лап.  
1уьссе хъуне  
Туьквезра гъал  
Хиялар г1вай са  
Са къвалахъди...  
Гуърра хъайне  
Бабан бугус:

– Фахъшуне ге  
Шегъердисра  
Секинг1велин  
1абна нур эй...

1983 ис.

# К И И Л А Р

Этюд .....	10
ХІисаб акъай Івєя ягъар .....	12
Руху хІуър .....	15
Этюд .....	17
ХІпуькъар .....	19
Сонетар .....	20
Якъу цІарар .....	22
Бабакас .....	25
Этюдар .....	26
Триолет .....	28
ЧІурхуне лиІ – зе къаншари укъуне .....	
«Зун вун бадал хъимудна са Іуьш, гуьзел...» .....	
Сонетар .....	40
Зунна, вазна, канеф ( <i>Элегия</i> ) .....	42
Элегия .....	44
Агъул руш .....	45
Этюд .....	46
Нас акъай гъарай .....	47
Са джилил .....	48
ЦІударин къекъ .....	49
Шав ( <i>мегІни</i> ) .....	50
ГучІая зас .....	51
Элегия .....	52
Джакъвалакас баллада .....	53
МерхІаматлу хъурай инсан .....	56
ЦІайил ихъпар суман .....	58
Іуьмуьрдикас хиялар .....	60
Чешне хъуне вариттарис .....	62
Хъидис .....	64
МегІнийикас баллада .....	65
Ватанис .....	72
Булах .....	73

Этюдар.....	74
Бабакас риваят .....	78
Экспромт.....	81
Іуьмуьр э.....	82
Насиглат .....	83
Дар .....	84
Муьх Іуьббатин херарил алдий .....	86
Сонет .....	87
«Айдихъас адине диф...».....	88
«ХІуьлерихъас...».....	89
Дарна эхъ.....	90
Зас канде вун... ..	91
Триолет.....	92
«Джикая хІаят» .....	93
«Зун дуьньяийис адине...» .....	94
«Дуьньяийис...».....	95
ХІуьл .....	96
«Вун адине...» .....	97
«Чайкайи хІуьлил...».....	98
Хъасева? .....	100
«Гъузай угъал...».....	101
Гъургъая зигъин.....	102
Акъай хъуне цІаяри.....	103
Вархариас фай адине кулаки.....	105
ЦІейе мегІни сивил алдий .....	106
ДуьрцІин мегІни.....	107
КуькІуная хІад.....	108
МуьгІвелимис.....	112
Шалам.....	114
Якъу цІарар.....	115
Гъезел .....	124
Дадна гада (риваят) .....	125
Іурдин мегІни .....	126
Этюд .....	127
ГІалав (Верлибрилди ликІенде поэма).....	128

*Камалдин Ахмедович Ахмедов*

**РОДНИК НА ПЕРЕВАЛЕ**

На агульском языке

Редактор *Ш. Мазанаев*

Художник *И. Дубров*

Художественный редактор *М. Левченко*

Технический редактор *В. Гаджиева*

Корректор *Т. Исаева.*

Лицензия ИД 05334 от 10.07. 2001.

Сдано в набор 18.06.02. Подписано в печать 21.12.02.

Формат 70х90<sup>1</sup>/<sub>32</sub>. Бумага офсетная.

Гарнитура «Таймс». Печать офсетная.

Усл. печ. л. 8,5. Уч.-изд. л. 5,76. Тираж 500.

Заказ 140. Цена свободная.



ГУП «Дагестанское книжное издательство»  
Министерства по национальной политике,  
информации и внешним связям РД  
367025, Махачкала, ул. Пушкина, 6

Типография Дагестанского научного центра РАН  
367015, Махачкала, 5-й жилгородок, корпус 10.